

DISPUTATIO INAUGURALIS
JURIDICA.

Quâ

DIFFERENTIÆ
NONNVLLÆ, INTER

JUS CIVILE JUSTINIANÆUM,

ET STATUTA MORESVE AR-

GENTORATENSIVM

EXHIBENTUR,

atq;
SS. TRINITATE AUXILIANTE

Ex Decreto & Autoritate

MAGNIFICI, NOBILISSIMI, ET

AMPLISSIMI ICTORUM ORDINIS

IN LYCEO PATRIO


PRO SUMMIS IN VTROQVE

IPRE PRIVILEGIIS ET HONORIBVS DO-

CTORALIBVS RITE CONSEQVENDIS

Placido Eruditorum Examini


SOLENNITER exponuntur



JOH. JOACHIMO REMO,

Argentoratensi.

Die 20. Mens. April. Horu locog, consuevit.



ARGENTORATI,

Typis CAROLINIS.

ANNO M DC LXI.

VIROS

Eruditionis famâ
Officiorum auctoritate
Meritorum in Rempublicam
Amplissima dignatione
Eminentes

JOH. JACOBUM FRIDIUM,
JOH. JOACHIMUM FRANTZIUM,

illum
Jureconsultum
& Illustris Reip. Argentoratensis
Syndicum gravissimum

Hunc
Incluti Quindecimvirosum
Collegii
laudatæ Reipub.

Secretarium fidelissimum
Disputationis huius Inauguralis
dedicatione

Sui erga ipsos obsequij
certiores reddere

Eorundemque sese Patrocinio
porro, quâ decet

observantia commendare sat agit

JOH. JOACHIMUS REMUS.

Clarissimo
DN. JOH. JOACHIMO REMO,
Amico jucundissimo.

Ira per Augustos populis obtrusa subactis
Et Latij prisco condita scita foro,
Quodq; per Grajos & seros Teutonas auctum
Nunc vastâ legum mole laborat opus,
Non satis est cepisse Tibi capere omnia nato,
Gloria civilis, REME, futura toga:
Quin simili Patrias librans indagine leges
Ius ARGENTINAE detegis omne mea,
Et qua nostra nota discernant jura Latiniis
Ingenio rixas discutiente doces.
Maeste animi, studyg, potens ingentibus ausis
Sic Romam illustra, sic genitale solum!
Quis meritis his æquus honor, quæ præmia reddi
Digna queant, Urbem poscit utramq; Themis?
Nec mora, Te lauro, lauro jubet utraq; cingi
Barbaria victrix Invidiaq; Caput.
Quid, mea Musa, sedes? quid inertis pollice ludum
Contrahis? hic tacita non licet esse lyra.
Surge. Dea veniunt, ut, quam meruere, coronent
Vindicis aternâ tempora fronde sui.
Si quid habes operis, fac REMVS ad astra feratur
Carminè, fac plausu perfonet ista dies.
Cernis ut ingenij penetrantis acumine doctor
Desinet attonitas eloquiog, Deas?
Vt sibi jam concors ambe gratantur haberi
Iustitia, REMO conciliante, decus?

Vive

*Vive tamen, potiorq, malis enitere sæcli
Moribus, & Fama culmina perge sequi,
Qua Batavi, qua Gallus habet, quibus invidet hospes.
Qua forvet excelsos Ausonis ora viros.
Tempus erit, quo dulce jubar sibi patria tellus
Ex ornamentis quaret, Amice, tuis,
Tunc miscébimini letis amplexibus ambo:
Vrbs decus ipsa tuum, Tu decus Vrbs eris.*

*Ita verissimum adfectum
testatur*

C. KECK.

F I N I S.





C. B. D.

DE DIFFERENTIIS NONNUL-
LIS INTER JUS CIVILE JUSTINIA-

NAUM ET STATUTA MORESVE

ARGENTORATENSIIUM.



Mnem ferè Gentem in Orbe Terrarum semper jus suum sibi peculiare habuisse, secundum quod viveret, historiæ docent. Cuius autem jura tantam adepta sunt auctoritatem, quantum Jus Civile Romanum, populum fuisse nullum verius est, quam ut nostro testimonio confirmari necesse sit. Id tamen fatendum est, nullam Gentem tam justum æquumve aut utile sibi jus condere posse, quod omnibus aliis postea Gentibus æquè utile ac salutare sit, quin melius faciat hæc aut illa natio, si à jure apud alios justo recedat. Hinc & Inclita nostra Respublica Argentoratensis, quanquam Imperio Romano nomen dederit, atque adeo legibus illius vivat, ab his tamen multis in Capitibus, tum per expressa statuta, tum tacitâ consuetudine recessit. Quæ omnia notare labor esset non quidem inutilis, sed qui vires nostras plus quam superat. Ideoque pauca quædam de his collegi,

Tusq. inexhausti libata est ora profundi.

(ut cum Sæculi nostri Nasone loquar) ista sufficere ratus Disputationi Inaugurali, quam post consuetum

A

Candi-

Candidatorum Examen, quod DEO benè juvante,
nuper sustinui, impræsentiarum Solenni erudito-
rum ventilationi propono. Manum ad tabulam FS-
LICITER!

CAPUT I.

De Potestate Patria.



Ure Civili Justinianæo magna fuit Pa-
trumfamilias in liberos potestas, & concerne-
bat, (ut in materia prolixa breves simus) tum
PERSONAS liberorum, tum BONA. Il-
las quod attinet, non poterant filii familias sine
consensu parentis in cuius potestate erant, nu-
ptias inire. *pr. Inst. de Nupt.* ubi obiter notamus, eos falli, qui ma-
tris consensum Jure Justinianæo requisitum fuisse docent, cum
plus quam manifestum sit matres non habuisse liberos in pote-
state. §. 10. *Inst. de Adopt. Locamer. in not. ad d. c. princ. Inst. de Nupt.*
atque adeo nec Patris, ratione filii Emancipati, multò minus
cognatorum. Nisi quod filix patre destituta necessarius fuerit
consensus matris & propinquorum. *l. 20. C. de nuptiis.* Poterant
deinde à Præsidente filiisfam. compelli ad alimenta parentibus ad
inopiam reductis præstanda. *l. 5. C. de patr. potest.* Ulterius licebat
patrifamilias tum ipsi filium ob quodvis delictum castigare, tum
Præsidi Provinciæ puniendum offerre. *l. 3. & 4. C. dist. tit.* Pote-
rant porro egestatis causa Patres filios suos certis conditionibus
vendere. *l. 2. C. de patribus qui lib. dist.* & denique (quod tamen
Justiniani temporibus jam sublatum erat) occidere. *l. ult. C. d. d.*
de par. pot. l. 1. ff. de lib. & posthumis. Quoad bona filii fam. tale jus
erat Parentis, ut peculium quidem filii profectitium in soli-
dum, h. e. quoad proprietatem, & quoad usumfructum Patrifa-
milias acquireretur, adventitium autem quoad usumfructum
solum. §. 1. *Inst. per quas personas cuiq. ag. adde Dn. D. Biccii Aurea pag.*

59. quamdiu scilicet in potestate filius erat. Nam post emancipationem dimidiz tantum partis bonorum filii adventitiorum ulum fructum penes se retinebat pater. §. 2. d. t. Castrensis denique aut quasi Castrensis peculii nec proprietatem nec ulum fructum paterfam. lucrabatur. d. §. 1. Inst. per quas person. & l. 4. Cod. de advoc. div. iud. Et in hac potestate manebant liberi, donec patrens aut moreretur, aut ipsos emanciparet. princ. & passim Inst. quib. mod. ius pat. pot. solv. aut ipsi filii per dignitatem Patriciatus, Consulatus, Præfecturæ, Episcopatus, &c. ipso jure ex potestate patria exirent. Nov. 8. c. 1. 2. & 3.

Jure nostro Statutario tanta non est Parentum in filios potestas, siue personam eorum spectes, siue bona. Nisi quod circa nuptias contrahendas, quod primam differentiam inter utrumque jus constituit, liberiores fuisse videntur filii apud Romanos, quam in Nostrâ Republicâ. In hac enim non tantum Patris, sed etiam matris, & si parentes desint, propinquorum consensum habere debet (non sola filia patre destituta, ut jure Civ. sed etiam) filius in matrimonio ineundo, si quidem vigesimum ætatis annum non superaverit; eâ in delinquentes pœnâ statutâ, ut hæreditatis paternæ aut maternæ reddantur incapaces, nisi ab ipsis parentibus, quos hoc modo læserunt, delicto condonato, ad successionem expressè vocentur; Illis, cum quibus clandestina ista sponsalia contraxerunt, in perpetuum relegatis; nisi & hoc à Parentibus aut propinquis læsis remittatur, Secundum antiquû art. Wer hienan fürher iemand sein kind/ &c. in Mss. exemplari Statutorum nostr. quod penes nos, fol. 106. sub rubr. Die Straff derer die jemand erwerben zu der Ehe. At in cæteris plura secum traxit onera Patria potestas Iure Iustiniano quam nostro. Non enim II. sine distinctione coguntur apud nos filii aut filiarum. parentibus inopiâ laborantibus alim. menta præstare; nec expressum eâ de re statutum habemus, sed id in iudicis arbitrio positum est. Inde fit ut pro facti circumstantiis nonnunquam, & quidem, quod fatemur, plerumque compellantur liberi, more Romano, ad alendos parentes; nonnunquam autem, licet rarius, non compellantur, etiam

tum quando Parentes ad restituenda liberis bona adventitia, si quæ fortè possederunt, tam acriter urgentur ut omnibus bonis exuantur. III. Ob maiora filiorum delicta, privatâ autoritate non possunt parentes eos condignâ pœnâ afficere, adeo ut si hoc fecerint parentes, ob hoc ipsum coram Magistratu à liberis debeant accusari, *ut habet articulus: Hâtte ein Burger oder ein Vurgerin. in disto 11 Sc. exempl. fol. 141. sub rubr. von ungerathenen Kindern.* IV. Non tantum necare liberos quod semper apud Christianos, barbarum & irrationabile habitum; sed etiam vendere, quod à Justiniano toleratum fuisse ostendimus, apud nos est inauditum. V. In bonis liberorû adventitiis nullum apud nos ipso jure pater usumfruâtû habet, nisi ab eo constituatur, à quo ista bona proficiuntur. Quod denique VI. dissolutionem patriæ potestatis attinet, quoniam, ut diximus, ipsa potestas tanta non est apud nos, quanta fuit apud Romanos, ideo nec tales ad dissolvendam illam requiruntur solennitates. Videtur fere desinere moribus nostris cum liberi matrimonium ineunt, quod pro dissolvendi modo etiam habetur à Wurmbsero, *lib. 1. tit. 36. Obf. 9.* quoniam tum plerunque parens filium vitæ suæ rationem separatim instituit, eumque suo sibi arbitrato vivere patitur, quod ipsum jam olim ab Imperatore Leone pro ratione ex patria potestate exundi admissum fuit, etiamsi nuptiæ non accessissent. *Novell. Leon. 25. circa fin.* Faciunt huc statutorum nostrorum ea, in quibus filii familias passim his phrasibus indignantur: *Kinden so Vatter und Mutter noch lebend haben/und die unberothen und unußgewiesenen sind.* i. e. qui cælibes sunt, & qui nulla bona separata à paternis habent. Item: *Kinden die in Vatter und Mutter Muth und Brodt und nit ufgeiwiesen sind.* *ut in artic. Were auch das behelne Kinder.* In Ordinatione de Contractib. typis expressis p. 19. sub rubr. *Kinden so noch Vatter und Mutter oder Vögte haben / sollen ohne deru Wissen und Willen keine schulden machen.* Hinc apparet liberos, qui vitæ rationem à parentum convictu aut donacilio separatam instituerunt, sive coniugium accesserit sive minus, in nostra Repub. haberi pro emancipatis.

5.
C A P. II.
De Tutela & Cura.

Jure Civili Justiniano pupilli & pupillæ usque ad pubertatem, (quæ in illis incipere censetur decimo quarto; in his duodecimo ætatis anno. *princ. Inst. quib. mod. tut. fin.*) sub Tutoribus vivere coguntur *dict. princ. § penult. & ult. Inst. de Atrilian. tut.* Atque hi post finitam hoc vel alio modo tutelam, non prius, rationem administratæ tutelæ reddere tenentur. *d. § ult. l. 9. §. 4. ff. de tut. & rat. distr.* Imo absurdum videbatur à Tutore rationem administrationis negotiorum pupilli reposci, in quâ adhuc perseveraret. *d. l. 9. §. 4.* Nec cogi poterat tutor, ut postea eiusdem minoris curam gereret, licet ab illius Parente quondam, in cuius testamento tutor datus erat, etiam curator designatus fuisset. *§. 18. Inst. de Excus. tut.* Pupillorum itaque, si ad pubertatem deveniant, jura insignem mutationem patiebantur. Non enim cogebantur in posterum alieno arbitrio vivere. Curatores inviti, si quidem sanæ mentis erant, non accipiebant, præterquam in litem *§. 2. Inst. de Curator.* Nec aliàs ipsis dabantur Curatores, nisi ipsi petierint. *l. 3. §. 2 ff. de tutel. vid. Coll. tur. Argent. th. 17. de tut. vel curat. dat.* et si semel acceptos retinere tenebantur, licet benè rem suam gerere potuerint; *quomodo legem 1. §. fin. ff. de minorib. cum dict. §. 2. Inst. de Curat. conciliat Locam. in not. ad d. §. Retinere, inquam, tenebantur Curatores usque ad 25. ætatis annum completum. princ. Inst. de Curat.* Nisi veniam ætatis ab Imperatore impetraverint, quod anno vigesimo completo facere poterant, *l. 2. princ. Ced. de his qui veniam ætatis.* Ac licet sub curatore vixerint, non tamè PERSONÆ datus censebatur, sed REI tantum sive BONIS, secus ac Tutor, *§. 4. Inst. quæ testam. tut. dat. l. 8. C. de nupt. ibi: solam rei familiaris se stinet administratorem.* Nec enim sub ipsorum arbitrio aut regimine quodam vivebant, sed in negotiis gerendis eorundem consilio solum utebantur *fa. d. l. 1 §. fin. ff. de minor.* Pupillus quidem si quid sine tutoris autoritate gesserat, id ipso jure nullum erat. Unde nemini se poterat obliga-

re. *princ. Inst. de auctoritate tut.* Minorum autem seu Adolescentium contractus, sine consensu Curatoris celebrati, non fuerunt ipso jure invalidi, sed constiterunt. l. 24. §. 1. ff. de minor. b. l. 101. de Verb. Obl. licet consensus Curatoris certius illis pondus addiderit. Corvin. in *Euchirid. Inst. quæst. penult. de Curat. add. Locam. in not. ad princ. Inst. de Curat.* Quemadmodum autem tutores non nisi finitâ tutelâ, ut supra diximus, rationem administrationis reddere tenentur, sic etiam Curatores non nisi finitâ Curatâ. l. 14. Cod. de adm. str. tut. Porro quod ætatem Tutorum & Curatorum attinet, tenendum quod annum ætatis, minimum vigesimum quintum implelle debuerint, quando id munus ipsi sustinendum erat, §. 12. 11 ff. de Excusat. Id denique notandum, tutelam & curam jure Justinianæ non onera fuisse gratis lub-eunda regulariter, *sa. §. 6. & chinot. Locam. inst. d. t. de Excus. l. 33. §. fin. de adm. str. & per u. tut.*

In nostra Republ. hæc se paulò aliter habent. Primò enim illa, de qua dixi, mutatio non accidit circa pupillos cum decimum quartum, aut pupillas cum duodecimum ætatis annu impleverunt. Nam nec tutor tum temporis liberatur ab onere suo, quod hætenus gessit, nec nomen tutoris, aut jura quæ antea in pupillum habuit, amittit, & consequenter II. Adolescens tutorem retinere cogitur, ita ut in ipsius arbitrio positum non sit Tutorem Curatoremve, more Romano, petat, an ipse rem suam gerat. Retinere autem hunc cogitur III. non ad annum ætatis usque 25. sed tantum vigesimum completum, quo tempore tutorem dimittere potest, & sibi in posterum ipse prospicere, nec opus est ad hæc impetratâ ætatis veniâ, *per statutum Msc. in nostro Exemplari fol. 9. fac. 2. cuius v. rba quoniam vauca sunt, integra adscribimus.* Wann ein Kind / es sey Knab oder Tochter zwanzig jahr alt ist / von dem tag / so es gebohren ist / ob es seine Sinnen hat / soll und mag es wol selbs sein Voge seyn über sein gut / und mag thun und lohn / was es will mit seinem gut. Jam autem si-ve Tutorem voces si-ve Curatorem, qui puberi datur, non potest hic pubes cum quoquam, quod IV. differentiam constituit, quicquam contrahere, aut similes actus celebrare, sine tutoris si-ve

sive curatoris sui autoritate & consilio, qui ullo modo subsistere possent, si quantitas aut precium illius negotii superet dimidium florenum. Ita quidem ut illa negotia nec tutorem obligent, nec ipsum pupillum si dimisso tutore sui arbitrii fiat, licet fortè sub hac conditione sint inita, *ut habet artic: supr. allegat. in ordin. de Contract. p. 19.* Were auch das deheyne Kinder, &c. sic V. Non demum finitè tutelâ, sed quotannis rationem administrationis suæ reddere tenentur tutores nostri, in quo sequimur Ordin. Polit. Imper de anno 1548. *tit. 31. & eandem repetitam Anno 1577. tit. 31.* S Item daß er nach &c. ibi: und jährlich nicht allein auff erforderen der Oberseits / sondern auch selbs / vermöß seines anbesohlenen ampts / auch geleßten pſtiches und ehndts / gebührliche redenschafft anbieten und thun / umb sein verwalting rede und antwort geben, &c. VI. Apud nos vigesimo quarto ætatis anno exacto incipit quis ad tutelam vel curam gerendam idoneus esse, atque adeo uno anno maturius, quam jure Justiniano. *per paulo ante alleg: artic.* Wann ein Kind es sey knab, &c. *in nostro exempl. fol. 92. cujus verba finalia sic habent:* Es mag niemand des andern vogt sein / er sey dann 24. Jahr alt oder mehr. VII. denique Tutelam aut Curam nemo gratis & sine ullo salario gerere tenetur in nostra Repub. Sed pro modo facultatum pupilli, annuum præmium licet exiguum constitui debet tutoribus. Præter hoc si bona pupilli, multis litibus aut aliis molestiis & difficultatibus sint implicata, tum poterit tutor, cum consilio propinquorum pupilli procuratorem ad illa negotia pro certo, æquo tamen, salario constituere, aut omisso tali procuratore, ipse pro tali salario illis negotiis invigilare: *juxta artic:* und uff daß ein vogt, &c. sub rubr. Von der Vogt belohnung: in MSC. nostr. Exempl. fol. 34. fac. 2.

C A P. I I I.

De præscriptione Actionis familiaris Erciscundæ.

Iure civ. Justiniano præscribitur huic actioni lapsu triginta
anno-

annorum, atque adeo longissimo tempore. *text. expressi in l. 1. §. 1. verb: Nemo itaq. C. de Annali except: Ital: item l. 3. C. de præscript. 30. vel 40. ann.* Curritque hæc præscriptio adversus omnes, atque adeo etiam contra fæminas, absentes, milites, minores. Soli enim pupilli excipiuntur, contra quos, licet tutores habeant, non currit, nisi post pubertatem. *d. l. 3. vers. non sexus fragilitate.* Nec poterit se quisquam ignorantia juris excusare. *d. l. 3. vers. fin.* De errore seu ignorantia facti dubitari posset. Sed probabilius videtur etiam adversus hanc præscriptionem currere. Licet enim hæc lex 3. mentionem faciat tantum ignorantia juris, lex tamen ultima *Cod. de præscript. long. temp. in fin.* de ignorantia sine distinctione loquitur. Nec obstabit, si quis dicat hanc l. ult. loqui de præscriptione longi temporis; nos autem de longissimi. Si enim longi temporis præscriptio currit adversus ignorantes factum, multo magis id faciet longissimum tempus; quippe cujus præscriptio fortior est, & præscribentem securiorem reddit in jure suo. ut tum *ex d. l. 3. tum ex l. 4. in fin. ibi: plenissimâ munitione securus. Cod. de præscr. 30. vel 40. ann.* apparet. Plenissime autem securus non est, qui restitutionem ex capite ignorantia timere necesse habet. Vnde Wesembecius *in parat. tit. ex quib. Caus: maj: num. 10.* recte videtur dissentire si Communi Doctorum opinione, qui statuunt, etiam adversus longissimi temporis præscriptionem restitutionem dari ex capite ignorantia; quod duabus rationibus revellit, quæ videri possunt *d. n. 10. dict. tit. ex quib. caus: maj.* Quamvis ipse fluctuet, & in *tit. de usurp. & usucap. n. 14. & tit. de divers. & tempor. præscr. n. ult.* dictam Doctorum opinionem approbare videatur. Hahnus autem in *not. ad dict. tit. de usurpat. & usucap. ut & ad tit. ex quib. caus: majores. n. 10. & ad tit. de in integr. rest. n. 1.* Wesembecii priorem sententiam defendit, & ad contraria argumenta respondet, ostenditque ex tribus specialibus casibus restitutionem dari ob errorem facti, qui nihil ad præscriptionum materiam attinent.

Iure nostro hæc actio longi temporis præscriptione, id est decem annis inter præsentis, viginti inter absentes excluditur, per antiquum artic: qui inter statut. nostra *MSC. fol. m. 102.* habetur,

betur, quem etiam, quoniam non adeo prolixus est, nec unam tantum differentiam à iure Justiniano continet, integrum transcribere placuit:

**Gewehr der Zehen Jahr / an den
man theilung fordert.**

Ist daß einer vor Meister und Rhat an den andern klaget / von theilung wegen der güter / so er geerbt hat / mag jener an den man klaget mit Zween oder mehr Ehrbaren leuten fürbringen / daß er zehen Jahr daß erbe / darumb man theilung an ihn fordert / inne und herbracht habe bey gutem gericht unverprechlichen / und bey dem der also theilung fordert. Und auch der die theilung fordert / die zehen Jahr zu seinen tagen kommen / und im land were; und wilß dazu jener / an den man theilung fordert / von des erbs wegen schwören / daß er ihm nit darumb schuldig sey / daß soll der gemessen und soll ledig sein. Schwür auch einer der die theilung fordert / daß er nicht gewußt habe / daß jener ihm theilung thun soll / und daß bey einem Jahr ungeworlich erst empfunden heyt / dem soll daß an seinen rechten kein schaden bringen.

Quod statutum à jure Civ. Justiniano I. in eo differt, quod, ut dictum est, hoc requirat longissimum tempus ad dictæ actionis præscriptionem; illud autem longum solummodo tempus. Quam differentiam quoniam sequuntur cæteræ, quæ inter longi & longissimi temporis præscriptionem intercedunt, ideo differt I. in eo, quod jure nostro intersit utrum Actor præsens an absens fuerit. Illo enim casu decennium requiritur. *ibi* bey dem der also theilung fordert. *Et mox*: und im land were. Hoc autem casu viginti annorum lapsus: quod tamen si statuti hujus verbis non sit expressum, menti tamen illius omnino consentaneum est, præsertim cum statuta secundum jus commune sint explicanda. Iure a civili non interest, absens an præsens quis fuerit. pariter enim uterque ab hac actione excluditur. *d. l. 3. Cod. de præscrip. 30. vel. 40. ann.* Porro si verba illa: *in senen tagen kommen* / non de pubertate sed majorennitate intelligenda sunt, ut quidem omnino intelligenda esse suadent plurima statutorum nostrorum, in quibus hunc sensum habent, ideo dif-

ferentia Tertia est, quod Jure Justinianæo currat hæc præscriptio etiam contra minores, ut supra dictum est; Jure autem nostro minores non secus ac impuberes restituantur. Ita enim ex jure communi interpretamur verba ista: und auch der die theilung fordert, die zehn-jahr zu seinen tagen kommen, ut scilicet: idem significet, ac si hoc modo scripta essent: die Zehñ-jahr bey seine tagen gewessen. Quod si quis tam tenaciter verbis inhaerere vellet, ut rejecta nostrà interpretatione ita explicaret, ac si sufficeret currente decennio actor è ad majoreñi aetatem devenisse, nec præcisè requiri, ut ante illud decennium jam major factus sit, dicendum esset hanc præscriptionem jure nostro differre non tantum à longissimis, sed etiam à longi temporis præscriptione juris Justinianæi. Hæc enim tum demum currere incipit, quando ad majorem aetatem dominus rei pervenit. *l. 3. Cod. quib. non obijcitur.* Illa autem non incipit nisi post pubertatem, ut supra dict. *ex l. 3. Cod. de præscript. 30 vel 40. ann.* IV. differunt in eo, quod hujus actionis præscriptio jure Justinianæo currat etiam aduersus ignorantes, ut latè ostensum est; jure autem nostro detur restitutio ex capite ignorantia. *ibi:* daß er nicht gewußt habe, daß jener ihm theilung thun soll. Potest V. notari differentia, quæ in tempore in integrum restitutionis intercedit inter jus Justin. & nostrum. Illo enim jure quadriennium restitutionis petitioni patet. *l. ult. Cod. de temp. in integ. rest.* Statuti autem hujus nostri verbis, *ibi:* bey einem jahr rogezöhrlich erst empfunden hette, tantum temporis spacium minime concedi videtur. Notandum denique est, quod licet allegatum statutum loquatur de actione familiarum erciscundæ, eadem tamen omnia, quæ de hac actione diximus, etiam obtinere in hereditatis petitione, ut aliud ex MSC. statuto: jisdem pene verbis constans indicio est, *dict. exemplari nostro fol. 55.*

C A P. IV.

*De Pralatione conjugis & fisci in
successione sine testamento
defuncti.*

Differentias quæ occurrunt inter jus Justinianæum & nostra statuta circa materiam successione ab intestato, accuratè notavit Jureconsultus supra laudem Ioh. Otto Tabor in *Elem. Jurisprud. part. 3. sect. 3.* ita ut hoc loco idem repetere labor esset omnino supervacuum. At quoniam illæ differentiæ ibidem notatæ sunt, de quibus expressa statuta in nostra Republica lata sunt; insignis autem præter illas etiam differentia occurrit circa prælationem conjugis aut fisci in bonis sine testamēto defuncti, in quâ jus Justinianæum moribus nostris & diuturnâ consuetudine mutatum est, illud addere hoc loco constitui. Illo enim jure Conjugi sine testamento defuncto conjux superstes succedebat, quoties parentes, liberi, propinqui deficiebant, atque adeo fiscum excludebat. *l. un. Cod. unde vir & ux.* Nisi vel alterius necem machinatus sit conjux superstes, vel tempore mortis separati fuissent, *Corvin. in Enchirid. Inst. tit. de hered. quæ ab intest. def.* Nostris autem moribus fiscus excludit Conjugem, ut plurimis casibus sine variatione memini observatum. Quod etiam æquius puto & voluntati defuncti convenientius, qui dum nullos sibi propinquos esse novit, nec per expressam testamento voluntatem ad Conjugem bona sua transmittit, non hanc sibi sed fiscum heredem existere velle, non absurdè conjicitur. Jure porro Justinianæo etiam liberis existentibus nonnunquam conjux in partem bonorum defuncti conjugis successit. Quando enim matrimonium sine dote fuit, & defunctus maritus locuples uxorem inopem reliquit, ipsa in quartam partem, liberis tribus extantibus; & in portionem virilem, si plures fuerint, unâ cum illis admissa fuit. *Auth. præterea. d. l. un. Cod. unde vir & ux.*

quod similiter hodie nostra in Republica non est in usu, nisi quod illi conjugis superstitis inopia aliâ plerunque via prospicitur, dum scilicet bonorum ususfructus vel ad certum tempus vel ad dies vitæ à defuncto relinquitur. Pulchriori sanè ratione, quam juris Justinianæ, hac in parte fuit observatio; cum hoc modo liberis bonorum debitorum proprietate intactâ manente, egenti conjugii nihilominus sit prospectum.

C A P. V.

De questione, utrum necessarii sibi invicem jus dicere possint?

Jure Justiniano posse quem in suorum causa jus dicere apparet ex l. 77. ff. de judicijs. & l. 6. de recept. arb. quibus in legibus manifestè asseritur parentem in causa filii, & contra, judicem esse posse. Videndum tamen his textibus an contradicant lex 10. de Jurisdictione & l. 48. de judicijs. Illa sic habet: *Qui jurisdictioni præest, nec sibi judicare debet, nec uxori, vel liberis suis, nec liberis vel ceteris quos secum habet.* Ubi expressè negatur filio suo aut cæteris necessariis quenkumque jus dicere posse. lex autem 48. de jud: prohibet magistratibuseo anno, quo cum imperio sunt, suorum causam in judicium admittere. Gothofredus in notu ad l. 77. distinguit inter res contentiosæ & voluntariæ jurisdictionis, ac de his loqui putat l. 77. de judic: de illis l. 10. de jurisdic: intelligendam censet, ita ut pater de filio, aut contra, judicare possit quidem in rebus voluntariæ, non autem contentiosæ jurisdictionis. Pacius in Enantioph. Centur. 1. q. 57. recenset Duareni opinionem, qui distinguit inter Jus DICERE, & JUDICARE. de hoc loqui leg: 77. de jud. de illo l. 10. de jurisd. Sed huic rejectæ præfert distinctionem Cujacii inter verbum POSSE, & DEBERE; posse nimirum filiumfam: de re patris, aut contra, judicem esse stricto jure, sed id fieri non debere, quod propter naturalem affectum hoc esset quodam-

quodammodo in propria causa judicem esse. Hanc, inquam conciliationem præfert quidem Pacius priori, sed addit denique distinctionem illam, quam Gothofredum amplecti dicere occupavimus. Quam a Pacio in Duareno damnat, eam Petrus de Greve in *Exercitat. ad ff. nuper vulgari. pag. 40. & seq.* fovet & suam facit, putans filiumfam. in causa parentis, aut contra, JUDICARI quidem, ut judicem pedaneum posse, non Jus DICERE ut Magistratum. Sed rectè quidem à Pacio rejectam esse docet lex 13. *ad SC. Trebell.* in qua dicitur: filiumfam. Prætorem cogere posse parentem suum, ut hereditatem quam idem suspectam dicit, adeat, & restituat; nisi & per hanc ipsam legem Gothofredi opinio à Pacio recepta destrui videretur. Si enim dicendum esset, filium in causa patris, aut contra, judicem esse posse in causis tantum voluntariæ jurisdictionis non contentiosæ, quæro quomodo patremfam. filius Prætor cogere possit ad hereditatem adeundam? Nonne hoc est jurisdictionis contentiosæ? Nam in rebus voluntariæ jurisdictionis nulla coactione opus est. *fas. l. 2. ff. de offic. Procons. C. l. A. de jurid. th. 25. in addition; Zoefio in comment. ad dig. tit. de judicijs th. 24.* placet distinctio inter Posse & DEBERE, quam etiam in Cujacio laudasse Pacium notavimus. Wesembecius *parat. de judic. §. 13.* distinguit inter judicia publica & privata, (quæ distinctionem suadere videtur *d. l. 77. de jud.* quoniam dicit: *In negotijs privatis &c.*) dum scribit, neminem in suorum causa judicem esse posse, in publica videlicet, ac capitali vel status causa, (de his loquit. *io. de jurid.*) in privatis autem causis, posse quem suis judicem esse per *l. 77. de judic.* Nec metuendam putat suspicionem corrupti affectu judicii, quod judicare cogantur. *l. 13. §. 2 de vacat. & excus. mun.* cum publicum sit officium; coactio autem non æque adhærere suspicionem ut se ingerenti, &c. Hanc autem inter legum diversitatem, variantesque interpretum explanationes rem mei judicii vix fecerim. Sitamen nostrum quoque calculum addere liceret, existimarem, contradictionem forsitan evitari posse si Wesembecii distinctio jungatur illi quam Cujacio, Pacio, & Zoefio placere diximus, ut scil. distinguatur inter Pos-

ter POSSE & DEBERE, hoc sensu: Patrem tribunal filii, aut filium parentis, non posse pro libitu detrectare, sed ipso jure teneat ibi compareat si vocetur; multoque magis cogi ut eum judicem pedaneum ferat, si quidem ille suo jure uti velit, & hoc velle dicitur legem 6. de Receptis. Sive sit causa voluntariae sive contentiosae jurisdictionis, cuius exemplum praebet d. l. 13. ad SC Trebell. modo non sit publica. d. l. 77. de jud. Rectius tamen facturos tales iudices, imo propter naturalem affectum quodammodo obstrictos esse, ut suo jure in eo casu uti nolint d. l. 10. de jurisd. Sed vel illa negotia, si moram patiuntur, differant usque dum Magistratu abeant, quod velle videtur lex 48. de iudicio, vel se excusent, aliumque judicem ad eam causam dari postulent, quo facit l. 13. pr. de Vacat. & excus. mun. Quicquid autem huius sit, sufficit ad nostrum institutum, Jure Justiniano posse patrem in re filii, & contra filium in re patris (atque adeo multo magis in re aliorum necessariorum & propinquorum) judicem esse, quod tribus textibus affirmatur, l. 6. de recept. l. 77. de iudicio. l. 13. ad SC Trebell.

Nostrâ verò in Republica diuturna consuetudine, & rectè quidem introductum est, ut litigantium non modo parentes aut filii; sed & qui tertio gradu tum cognationis tum affinitatis illis juncti sunt, iudicum confessui exire teneantur. Neque hoc in contentiosae tantum sed & voluntariae jurisdictionis negotiis obtinet, cum scilicet de personis muneris cuidam praeficiendis, & sim. deliberatur.

C A P. VI.

De Pœna Adulterii.

Adulterium committitur, vel si vir coniugem habens cum aliena uxore coit, quod à Doctores vocatur adulterium qualificatum, der Ober-Ehebruch, vel si vir cœlebs se commiscet cum uxore alienâ, quod vocant adulterium simplex. Imo etiam cum sponsâ alienâ adulterium committitur l. 13. § 3. ff. ad leg. jul. de adulr. Ita tamen intellige cum uxore alienâ aut sponsâ adulter-

adulterium committi, si istæ alias honestis moribus fuerint. Si enim prostratæ sint pudicitæ, seque meretricio more vulgo prostituant, cessat, jure quidem Justiniano, in talibus adulterii crimen, *l. 22. Cod. de adul. C. l. A. h. t. th. 7. num. 10.* In virginem autem & viduam non committitur adulterium jure Civ. Sed stuprum, tam à viro coniugato, *fac. l. 18. C. d. s. C. l. A. eod. th. 23. n. 27.* quam cælibe. *l. 6. §. 1. & l. 34. §. 1. ff. d. t. de adulter.* Pœna jure Civ. tam adulteri quam adulteræ est tum publica tum privata. Hæc illum tum à Marito tum parente adulteræ manet. Maritus enim in adulterio uxoris deprehensum occidere potest impune, non tamen sine distinctione qualitatis personæ, & loci in quo deprehenditur. Si enim deprehendat eum qui leno fuerit, quive artem ludicram ante exercuerit, in scenam saltandi cantandive causa prodierit, judicio vè publico damnatus, nec in integrum restitutus fuerit, aut libertum servumve proprium aut proximorum, idque domi suæ non etiam socii, tum impune eum necabit. *l. 24. pr. ff. d. t. de adul.* Non ergo licebit hoc marito, si honestioris conditionis fuerit adulter, aut in alio loco deprehensus, quam in domo mariti, nisi quod post Novell. 117. maritus suspectum de uxore, post trinam denunciationem in scriptis, sub præsentia trium testium factam, si invenerit in domo sua vel uxoris, vel adulteri, vel in popinis, aut Suburbanis, sine periculo interimere potest. Secus si alibi, & quid tum juris, vide in *Auth. si quis. Cod. d. t. de adul. ex Nov. 117. c. 15.*

At pater adulteræ aliquanto liberiores vindicandi huius criminis potestatem habet. Potest enim, sive sit naturalis sive adoptivus *l. 22. pr. d. t. ff. de ad.* modo tum temporis habeat eam in potestate, *l. 23. §. 1. d. t.* quemlibet adulterum filię sine distinctione conditionis *d. l. 22. §. ult. & l. 24. pr. d. t.* (excepto tamen Patrono, *l. 39. §. 9.* & Magistratu, *l. 24. §. 3. d. t.*) In ipsa turpitudine deprehensum, *d. l. 23. pr.* domi suæ in qua habitat, aut etiam in domo generi *d. l. 23. §. 2. & 3.* occidere; idque in continenti statim ac eum deprehendit. Nec sufficit solum adulterum necare, sed debet uno prope ictu & uno impetu utrumque & adulterum & filiam occidere. Si tamen adultero occiso, filia profugiens

à patre persequente, licet aliquot horæ ad hoc infumatur, occidatur, in continenti occisa videbitur. *d. l. 23. §. fin.* Parem ergo lex in utrumque exigit indignationem, *l. 32. pr. d. r.* Unde si alterutrum solum occidat, tenetur lege Cornelia. *d. l. 32. l. e.* ultimo supplicio dignus est. qui tamen rigor limitatur, si altero occiso, alter graviter vulneratus fuerit. Tum enim licet verbis legis non libei etur, rescriptis tamen Imperatorum impunitas ei conceditur, quia licet interempto adultero mulier suæ pervixerit post tam gravia vulnera, magis fato quam voluntate parentis servata est. *d. l. 32. pr.* Notandum autem est, quod nec pater nec maritus hoc jus occidendi habeant, si ipsi lenones sint, vel aliquâ ignominia notati, aut filia ignominiosa sit, aut contra leges nupta. Illi enim soli jus occidendi habent, qui jure patris maritave accusare possunt. *l. 24. §. fin. junctâ l. 13. dist. cit.*

Publicam adulteri pœnam quod attinet, omnis adulter pœnâ gladii afficiendus est, § 4. *Inst. de publ. jud. l. 30. Cod. d. r. de adul. Nov. 134. c. 10.* Ex bonis autem eius, si coniugem reliquit, dotem quidem & donationem propter nuptias, illa lucratur, residuum, aut si coniugem non reliquit, tota substantia ad ascendentes aut descendentes usque ad tertium gradum deferitur, si tales autem personæ non extent, ad fiscum devolvitur. *d. Nov. 134. c. 10.*

Hæc de adultero. adulteram quod attinet, perinde ac adulter pœnæ tum privatæ tum publicæ subiacet. Poterat enim, quantum ad privatam, à parente occidi una cum adultero, secundum superius notata; non autem à marito. idque ideo quia pietas paterni nominis consilium pro liberis capere præsumitur, at mariti calor & impetus facile decernentis, fuit refrænandus. *l. 22 §. fin. d. r.* Si tamen maritus in adulterio deprehensam uxorem impetu doloris tractus interfecerit, non tenetur lege Cornelia sed sufficit eum in opus perpetuum damnari, si humilis sit; sin honestior, ad tempus relegari. *l. 38. § 8. d. r. de adul. l. 1. §. fin. ad leg. Corneli. de sic.*

Quantum autem ad publicam adulteræ pœnam attinet;
utrum

utrum & hæc ultimo supplicio legis Corn. fuerit obnoxia jure Justiniano veteri, dubitari potest, quoniam expressis verbis id nuspiam, nec in Institutis, nec Digestis, aut Codice legitur. (nam in d. §. 4. *Inst. b. s.* dicitur TEMERATORES alienarum nuptiarum, &c. in l. 30. *Cod. eod.* SACRILEGOS Nuptiarum &c. & sic de genere fœminino expressi nihil habetur) nisi quis dicat, genus masculinum sub se comprehendere fœmininum. *per l. 1. de V. S.* Quicquid autē sit, jure Novellarum mitior huic sexui pœna destinata est. Mulier enim huius criminis rea non afficitur ultimo supplicio, sed in Monasterium truditur, ita ut si maritus intra biennium eam velit recipere, hoc possit; sin nolit, aut intra biennium uxore non receptā, moriatur, tonderi debeat mulier, & monachicum habitum accipere, perpetuoq; in monasterio manere; circa bona eius hæc observatā distinctione, ut si descendentes reliquerit, hi succedant in bessel, reliquo quadrante monasterio adjudicato, si ascendentes solum reliquerit, qui huic mulieris crimini non consenserunt, quadrantem accipiant, monasterium bessel; si nec ascendentes nec descendentes reliquerit, aut ascendentes consenserint in hoc crimen, tota substantia ad monasterium perveniat; servatis tamen illis pactis, quæ fortē in commodum mariti dotalibus instrumentis sunt illata. *Novell. 134. c. 10.* Atque hanc in punienda adultera lenitatem Justinianus extendit etiam ad gravius delictum. Nam nec eam adulteram ultimo supplicio affici jubet, quæ cum adultero jam olim ob id ipsum accusato, sed qui per proditionem judicum, aut aliā ratione pœnam effugerat, de novo rem veneream exercet, aut etiam illi nubit, sive marito superstite, sive mortuo; nec eam, inquam, adulteram ultimo supplicio affici voluit, verum itidem verberibus affectam, in monasterium, ut quamlibet aliam detrudi. *d. Nov. 134. c. 12.*

Utrum autem per præallegatum cap. 10. *Novell. 134.* non derogetur §. 2. c. 8. *Novell. 117.* ubi marito adulteræ ascribitur donatio propter nuptias, dos, & tanta paraphernorum pars quæ tertiam dotis partem exæquet, si liberos non habeat ex eo matrimonio; his autem, si adsint, dos & dicta paraphernorum por-

tio servari jubetur, id dubio non caret. Nos tamen missis aliorum opinionibus, cum Anton. Matthæo negabimus derogari, quia quæ utrinque dicuntur, simul stare possunt, si sic dicamus; Si uxor adulterium committit, retinet maritus donationem propter nuptias, dotem & tantam ex paraphernis portionem, quanta est tertia dotis. Lucratur item quæ vi pactorum dotalem ei debentur. Reliqua bona addicuntur monasterio in quod truditur, nisi à marito intra biennium recipiatur, aut si maneat in monasterio, nisi sint descendentes, quibus, aut ascendentes mulieris delicto non consentientes, quibus triens deferitur. tum enim id demum, quod post hunc trientem, aut post descendendum bellem, reliquum erit, monasterio addicendum est. *vid. dist. Ant. Matth. in criminal. tit. de adul. c. 3. n. 2.* ubi de his pulchrè & prolixè disserit. Quam rectè autem Justinianus crimen hoc in feminino sexu mitius puniat, quam in masculo, de hoc videatur liberum & elegans iudicium eiusdem Matthæi in *dist. 17. c. 1. de Crim. lib. 48. tit. 3. c. 2. §. 3.*

Porro de accusatione huius criminis notandum est; cui, & quamdiu competat. Accusare enim non potest quilibet, licet sit iudicium publicum, sed proximæ maximèque necessariæ personæ, quas dolor ex hoc admissio præ aliis movere debet. tales sunt maritus, pater, patruus & avunculus. *l. 30. Cod. d. r. de adul.* quibus fratrem addit Gudelinus *de iure noviss. l. 5. c. 18.* quo autem ordine hæ personæ ad accusandum fuerint admittæ, *vid. C. l. A. b. r. ib. 13.* Excluditur accusatio hæc ratione adulteri accusandi quinquennio continuo à die criminis admissi. *l. 11. §. 4. l. 29 § 7. ff. d. r.* quæ præscriptio non tantum in adulterio, sed quolibet crimine ex hac lege Juliâ puniendo locum habet. *d. l. 29. §. 6.* Excipe tamen stuprum, violentum. *d. l. 29. §. fin.* ut & adulterium cum incestu coniunctum. *l. 39. §. 1. ff. d. r.* ratione adulteræ accusandæ excluditur spacio sex mensium utilium. *d. l. 29. §. 5.* quæ currere incipiunt in nuptiâ quidem ex die divortii (jure enim veteri repudium prius mittere debuit maritus adulteræ, & postea demum eandem adulterii accusare. *vid. Gudelin. de iure Nov. lib. 5. c. 18. §. circa adulterium.*) in vidua autem ex die

com-

commissi criminis; qui tamen menses utiles sic computandi sunt ne excedant quinquennium à dicto die perpetrati criminis. *d.l. 29. §. 5. adde C. l. A. d. t. sh. 14.*

In nostra Republica aliter se res habet circa huius criminis vindicationem. Primo enim licet Jure Justiniano adulteris illi tantum accenseantur, qui cum nuptâ venerem exercent, non etiam illi qui cum viduâ aut virgine, sive coniugati sint sive cœlibes; apud nos tamen pro adultero habetur omnis coniugatus proprium thorum violans, sive rem habeat cum soluta, sive cum coniugata, ut apparet ex constitutione *de pœnâ adulterii, in appendice nostrâ ordinat. Polir. Tir. 19.* II. Illa privata vindicta, qua pater & maritus adulterum occidere impune poterant, moribus nostris incognita est & inusitata. quanquam & apud nos fortasse à pœna ordinaria excusaretur, qui eo in casu iustæ iræ parum moderari posset. III. Apud nos adulter non statim ultimo supplicio afficitur, sed mitius tractatur. Non enim nisi tertium deprehensus aut convictus de hoc crimine, capite plectitur. Qui autem primâ vice accusatur & convincitur, hanc pœnam sustinet, ut per duas septimanas in carcere detineatur, vitam non nisi pane & aquâ tolerare coactus, omni in posterum aditu ad honesta officia, aut dignitates ipsi præcluso; aut si forte in honore quodam jam sit constitutus, illo privetur. *dict. Constitut. artic. 1. sub. rubr. Straff des Ehebruchs. §. 1. So ein Ehegemächte.* Talis ergo capitis sui, imo etiam relegationis securus est, nisi id urgeat coniux, quo casu ad tempus, minimum unius anni ex urbe relegatur. *dict. artic. 1. §. und da das beleydigte. 3.* aut coniugatus stuprum (quod adulteriis annumerari jam diximus) inferat virgini fallacibus persuasionibus & promissis deceptæ; quo casu præter dictam pœnam, hanc pro ipsius conditione & arbitrio iudicis dotare tenetur; quod si præinopia facere nequeat, relegatur tantisper dum ipsi defloratæ satisfecerit. *dict. artic. 1. §. 1. vers. und da solcher.* qui post hanc pœnam secunda vice in hoc crimen recidit, in perpetuum relegatur ex Episcopatu Argentinensi, *d. artic. 1. §. Würde es aber zum andernmahl. 4.* Si cui denique post relegationem ex gra-

tia reditus in urbem concedatur, is autem tertium delinquat & convincatur, pœnæ gladii subiacet. *d. art. 1. §. Wa aber einlge Person. 5.* Et hæc de pœna adulteri coniugati. Nam, (quod IV. differentiam constituit) cœlebs adulterii semel convictus in perpetuum relegatur, *d. art. 1. §. So ein lediger. 6.* atque ita acrius punitur quam coniugatus, quod iure Iustiniano secus erat. V. Secundum statuta nostra non mitius tractatur adultera quam adulter; sed in utroque sexu eadem pœnâ vindicatur hoc delictum, nisi ubi sexus diversitas necessariam requirit variationem; puta quod adultera primùm convicta præter pœnam utriusque sexui communem, ad nullos in posterum honestos conventus, convivia, choreas, aut alias nuptiarum solennitates invitari debeat, aut per errorem invitata ibidem comparere, nec auri argente aut serici quicquam in vestimentis suis usurpare. *d. artic. 1. §. So es aber ein Weibsbild. 2.* In genere porro supplicii, quod tertium convictos convictasve incurrere diximus, reperitur quidem aliqua differentia in statutis nostris. Mas enim decollari, fœmina in aqua suffocari jubetur, *d. §. Wa aber einlge Person. 5.* Sed hoc posterius supplicii genus hodie moribus nostris ab usu recessit, utroque sexu gladii pœnæ subiacente. VI. Jure Justin. non gravius animadvertitur in illam adulteram, quæ se palam & meretricio more prostituit, quam in quamlibet aliam, quæ semel aut rarius, idque clàm, thorum violavit; imo vix receptum videtur ut accusari adulterii possit, ut apparet ex *l. 10. §. 1. l. 13. §. 2. ff. h. t. junctâ l. 22. Cod. eod.* Apud nos severius illæ quam hæc puniuntur, ut tùm dict. const. *de pœna adulterij, artic. 1. §. oder so zwey Ehegemächte. fin.* item artic. 4. §. Es sollen auch alle Sponserer in / tum exempla testantur. Similiter VII. licet iure Iustin. illi mares seu coniugati seu soluti, qui cum prostitutæ libidinis fœminis, nuptis aut innuptis, se miscuerunt, adulterii accusari nequeant. *d. l. 22. C. de adult.* nostro tamen iure non minùs, imo pro ratione circumstantiarum gravius, in hos licet primùm modo convictos, quàm in alios adulteros animadvertitur, ut itidem tum ex dict. Const. *art. 1.* (ubi de nulla differentia inter adulterium uxori alienæ honestiori, & adulte-

adulterium uxori alienæ vulgæ libidinis, illatum reperitur) tum ex consuetudine discimus. VII. In Republ. nostralocum non habet exceptio quinquennii in accusando adultero, nec sex mensum in adultera, quam jure Iustiniano locum habere diximus. Quod partim *ex sape citat. Const. de pœn. adult. artis.* Alse Kuppler und Kupplerin. §. Wann auch jemand, *ult. ibi*: Wo der liber furs oder lang in unser Stadt oder Obrigkeit betretten wird. partim pœnarum exemplis edocemur. VIII. Ab usu quoque recessit moribus nostris confiscatio bonorum adulteri, quæ jure Iust. obtinuit eo casu quo nullos adscendentes vel descendentes in tertio gradu reliquit. Sive enim sermo sit de adultero qui ad extremum supplicium, sive de eo qui ad levio rem pœnam damnatus est; illis succedunt qui alias ab intestato vocantur, imo nonnunquam permittitur illis ut in carcere testamentum condant, de horum pœna, quæ nullam confiscationem continet, paulo ante *ex dict. Const. de pœn. ad. dictum est.* Multo minus locum apud nos habet quod circa bona adulteræ Iustinianus disposuerat, Quemadmodum enim ille cœnobiorum usus, & illa adulteræ in cœnobium detrusio moribus nostris non obtinent, ita etiam illa bonorum addictio cœnobio facta nobis est incognita, sed eodem modo se habet res circa huius bona quo circa bona adulteri.

C A P. VII.

De Pœna Stupri.

Stuprum, quod scilicet cum soluta, tam virgine, quam vidua, honestè vivente committitur, *l. 6. §. 1. l. 34. §. 1. ff. d. t. §. 4. Inst. de publ. jud.* est vel voluntarium vel violentum, vulgò Nothzucht. Illud punitur publicatione dimidiæ partis bonorum, si Stuprator aliàs sit honestioris conditionis; sin humilioris, corporis coercitione cum relegatione. *d. §. 4. Inst. de publ. jud.* Stuprum violentum qui committit, incidit in pœnam legis Iuliæ de vi publica. *l. 3. §. 4. ff. ad leg. Corn. de vi pub.* quæ olim erat aquæ & ignis interdictio, *l. 10. §. fin. d. t.* postea deportatio. *§. 8. Inst. de publ. jud.*

quam regulariter ipso jure sequitur bonorum publicatio. *l. 14. §. 1. ff. de interdict. & relegat. Locam. in not. ad. §. 8. Inst. de pub. jud. lit. a.* à qua pœna cur immunes sint qui virginem nondum viripotentem corrumpunt, & relegatione tantum puniantur si honestiores sint, vilioribus in metallum damnandis, *l. 38. §. 3. ff. de pœnis*, nulla ratio apparet. Hoc enim crimen speciem, & quidem satis atrocem esse stupri violenti, dubio caret; cum vix unquam sine vi adhibitâ poterit committi, aut certe sine subdola persuasione, sollicitatione & circumventionem, quæ tamen in feminas etiam viripotentes adhibitæ, invicis illis censentur adhibitæ ac proinde vim arguunt teste Zoëlio in *comment. ad Dig. tit. de vi pub. n. 5. ex l. 3. §. 5. de liber hom. ex h. b.* Unde etiam apud Athenienses, lege Solonis, ut esse Anton. Matthæo in *criminal. ad leg. Jul. de adul. c. 5. n. 8.* Duarenus ex *Lysia* notat, gravius puniebatur persuasio quam violentia, quia hæc corpus duntaxat, illa & animum corrumpit. Porro hic notandum est stupro obnoxium fieri & infamia notari eum qui cum conjugatus sit ficto cœlibatu cum aliâ sponsalia celebrat. *l. 1. in fin. de his qui not. infam. l. 18. Cod. de adul.*

Dixi stuprum cum virgine vel viduâ ingenuâ, honestæ conditionis, committi. Si enim cum libertâ, aut ingenuâ quidem, sed sordidis & obscuris natalibus oriundâ, aut quæ corpore quælitum facere dudum assuevit, rei venereæ vacet, extra pœnam est jure Justin: *arg. l. 1. §. 1. junctâ l. 3. pr. ff. de concubinis*. nec infamis proprie sit; aliqualem tamen existimationis læsionem incurrit. *l. 25. C. d. r. de adul.* Eodem modo illæ tantum, quæ virginis aut viduæ honestæ nomen habent, si stuprum admittant, tenentur lege Julia, non quæ servilis aut alias sordidæ conditionis sunt, ut supra similiter de adulteris dictum est. Has enim leges animadversione sua indignas censent, *l. 29. C. d. r.* infamiâ tamen notantur *teste Coll. iur. A. th. 23. de adulte.* Quam autem pœnam sustinet stuprata? si per dolum aut vim stuprum illatum sit, nullam *l. 20. C. d. r.* si lubenti, eandem quam lex Julia stupratoribus imponit. *l. 18. & d. l. 20. C. d. r. Ant. Matth. di. c. r. et. l. b. 48. r. 3. c. 5. n. 6.*

Apud nos aliter paulò animadvertitur in hoc crimen.
Nam

Nam I. Stuprum violentum non tantum deportatione, sed ultimo supplicio punitur. *d. const. de pœn. ad. art. 2.* Wann ein Jungfraw. II. Voluntarium stuprum si cœlebs virgini blanditiis decepta inferat, non publicatione dimidia partis bonorum punitur, sed ipsam aut ducere aut dotare pro illius conditione, magistratusve arbitrio, tenetur; Quod si præ inopia præstare non possit, relegatur donec illi satisfecerit. *d. const. artic. 3. §.* Wann ein lediger 1. Quod si juvenis à virgine aut ipsius necessariis illectus aut quoquo modo deceptus, illi stuprum inferat, tum id stuprata aut quilibet cujus fraude id acciderit, pro facti circumstantiis, modo corpore, modo bonis, pro judicis arbitrio, luere tenetur. *d. art. §.* Wann sich aber begeben. 2. quæ pœna statuatur in conjugatum qui stuprum solutæ intulit, supra ostensum est; id hic notandum eam cui à conjugato stuprum inferitur, eandem per nostra statuta pœnam sustinere, quam solutum qui cum conjugata adulterium committit, sustinere diximus, incarcerationem scilicet relegatione perpetuâ. *d. const. art. 1. §. gleicher gestalt. 7.* III. Ut adulterii sic & stupri accusatio apud nos nulla præscriptione excluditur. *d. const. artic. 5. §. fin.* IV. Qui puellam nondum viripotentem fallaci persuasione deceptam corrumpit, seu cœlebs sit live conjugatus, pro facti circumstantiis tum famæ bonorumve jacturam, tum corporis coercionem, ultimum denique supplicium sustinere debet. *ut d. const. art. 3. §.* Wann auch ein Ehemann ult. atque ita condigna scelerei tanto pœna statuitur, quæ jure Justin. ultra relegationem in honestioribus, metallum in vilioribus non fuit extensa. V. Notandum, quod ille qui binas sponsalia celebrat, quem jure Just. infamæ & stupri pœnæ subiacere diximus, apud nos per vetus statutum *sub rubrica* *wer ein hurzu seinem Eheweib in sein haus setzet. in nostr. exemp. fol. 64. fac. 2.* oculis privari debeat, ut & mulier quæ cum maritum habeat, alteri se despondet VI. Qui quæve sponsalia secum aliquem vel aliquam contraxisse falso jactat, eo fine, ut alteri in contrahendis fortè aliis sponsalibus impedimento sit, re ab hoc quem alter ille impedire conatur, in judicium delata, & jactantis mendacio comperto, in perpetuum relegatur ex urbe, nec redi-

tum

tum, nisi actore consentiente, impetrare potest; secundum antiquum statutum, *sub rubr. von ansprach der Ehegelübde* die sich nicht also findet/ *quod habetur in nostr. MSC. fol. 62. fac. 2.* cujus verba, quoniam breue est, integra apponemus. Wer sich berühmt und aufgibt/daß ihm einer oder eine die Ehe gelobt habe / und das geschicht von hinderung den leuten zuthun / oder von ruhm wegen / und sich nit find daß sollich wort ergangen sindt / die zu einer Eh mögen treffen / der oder die sollen nimmermehr gen Strasburg kommen / ohn des genad dem solches beschche / ob er daß in klag fürbringer.. Quod doligenus jure civ. non nisi stellionatus actione extra ordinem vindicari potuit, cum alius criminis titulus deficiat. l. 3. §. 1. *ff. stellion.* VII. Prostibula quæ jure Justin. infamia quidem laborarunt, sed passim tolerabantur, in nostra republ. non tolerantur, sed deprehensa post incarcerationem relegantur. d. *const. art. 4. §.* Es sollen auch. VIII. Solent & illi qui post sponsalia, ante consummationem nuptiarum & solennem copulationem à Ministro Ecclesiæ perficiendam coeunt, plerumque incarceratione & multa pecuniaria, arbitrio Magistratus definienda puniri, quæ de re videatur d. *const. art. 6. & ult.*

C A P. VIII.

De Poena Lenocinij.

Lenocinium quot modis committatur & quotuplex sit, vid. C. I. A. th. 5. de adul. punitur autem hoc modo. Qui domum suam præbet, ut cum aliena matrefam. tam nupta quam vidua adulterium committatur, item qui quæstum ex adulterio uxoris fecerit, afficitur secundum jus civ. eadem poenâ quæ adulter. l. 8. pr. d. r. de adult. ut et ille qui deprehensam in adulterio uxorem retinuerit l. 2 §. 2. eod. (quod tamen mutatum est, Nov. 134. c. 10. vigore cujus maritus etiam adulterii damnatam uxorem recipere sine lenocinii nota potest) Similiter uxor si ex adulterio mariti precium acceperit, punitur ut adultera. l. 33 §. 2. eod. Imo quilibet qui pro comperto stupro, ut illud non accuset, aliquid accipit, ex lege lu-

ge Julia punitur, secus qui gratis accusationem remittit. *l. 29. §. 2. d. 1.* Quod si quis patiatu uxorem delinquere non ob quæstum, sed negligentiam vel culpam, vel quandam patientiam vel nimiam credulitatem, extra pœnam legis Juliæ positus est. *l. 29. §. 4. d. 1.* nec minus ille, qui matrimonium contemnens adulterio mulieris non indignatur, lubensque eam delinquere patitur. *l. 2. §. 3.* Lege ergo Juliâ id lenociniî genus nulli pœnæ subiacet, quo quis quæstum ex ancillis aut aliis vilioris conditionis personis, quæ meretricum nomine veniunt, percipit. Sed Imperatores Theodosius & Valentinianus etiam hoc non impune voluerunt, ideoque tales qui ancillas, præsertim invitas, ut et filias prostituunt, privatione patriæ aut dominicæ potestatis, infamiâ, exilio, aut metallo afficiendos constituerunt. *l. 6. & 7. Cod. de spectac. & sen. & lenon.* Et quoniam posterioribus Justiniani temporibus in vrbe Constantinopoli varîi generis lenocinia supra modum grassabantur, ut videre est *ex nov. 14.* ideoque crescentibus delictis pœnas exasperandas ratus Justinianus ultimum supplicium in hujus criminis reos statuit, eum autem qui in domo sua non quidem ipse lenocinium exercet, patitur autem alium lenocinium ibidem exercere, decem libris auri mulctari voluit. *d. nov. 14.*

Aliam huic crimini pœnam statuta nostra destinarunt. I. enim qui domum suam vel hortum aliis præbet ad libidinem exercendam, leviori quidem quam jure Justinianæ pœnâ afficitur, dum illi multa tantum 10. florenorum imponitur. *d. const. artic. 5. & so auch icmand.* Sed II. si maritus uxorem aut parens filias prostituat, uterque aquâ suffocari jubetur. *d. art. 5. §. 5.* *Wa auch (als seyder geschæhen mag)* nec distinguitur, quod fiebat jure civ. accepto id precio, an gratis fecerint. I I I. Cæteræ personæ, quæ cœlibum aut conjugatorum illicitæ veneri ministerium præbent, quod vulgò *Ruppleren* vocamus (quod genus lenociniî hisin terminis jure Justin. punitum non legimus) apud nos pro facti circumstantiis aut numellæ innodantur, secutâ relegatione, aut etiam supplicium extremum subeunt. *d. titic 5. §. 1. & 2.*

Annectâ aliquid huic capiti de pœna Sodomix sed pauca,

D

quoniam

niam de scelere infando non plura fari, aut peculiare caput ei tribuere constitui. Committitur hoc crimen (loquar autem cum venia castorum pectorum) si vel mas cum mare, vel fœmina cum fœmina, vel fœmina cum mare, immutatâ naturâ, vel denique, quod omnium atrocissimum est, homo cum bruto nefariam libidinem exercet. Quorum scelerum pœna *l. 31. Cod. de adult. & §. 4. Inst. de pub. jud.* refertur ultimum supplicium, confirmata quidem, mira tamen lenitate temperata *Novell. 77. & 141.* prolixè enim ibidem illorum criminum insontes suâ in pietate perseverare, fontes autem pœnitentiam agere monentur, pœnâ vix tribus verbis tactâ. Quæ res nimiam forte Justiniani clementiam & lenitatem, in extremâ & infandâ atrocitatis flagitiis vindicandis, arguere videtur. Id enim non est metu pœnarum malos terrere, & in ordinem redigere, atque adeo bonos efficere, ut loquitur *lex i §. 1. ff. de Inst. & Jur.* Quid quod in Digestorum legibus huic crimini nulla omnino pœna est præfinita præter pœnam stupri cum fœminis commissi; quemadmodum etiam lenocinium illius qui domum præbet ut stuprum cum masculo perpetretur, non aliter punitur ac illius qui stupro cum fœmina committendo ædes suas præbuerit. *l. 8. pr. d. i. de adul. sit* quidè nonnunquam mentio stupri in puerum, in tit. de lege Julia. *ut l. 34.* sed tamen hac lege infanda hæc libido pœnam, ut dictum est, cum stupro in virginem aut viduam honestam commissio, habet communem, ut ex toto dicto tit. de adult. videri potest. add. *Gudelin. de jure noviss. lib. 5. c. 18. §. transeo ad pœnas.* Hinc etiam stuprum violentum sive cum puero sive cum muliere perpetratum, eisdem pœnæ legis Julix de vi publica, nempe deportationi subiacet. *l. 3. §. 4. ad leg. Jul. de vi pub.* quæ lenitas esset intolerabilis, nisi postmodum *§. 4. Inst. de jud. pub. & d. l. 31. Cod. de adult.* ultimum supplicium gladio inferendum crimini huic præfinitum esset. Videtur porro hujus criminis accusatio excludi de jure civ. lapsu 20. annorum, per *l. 39. §. 5. d. i. ff. de adult. & l. 12. C. de fals. Ant. Matib. in Criminal. p. 462.*

Apud nos non tantum decollantur huius sceleris rei, sed & illorum cadavera igne comburuntur, secundum mandatum Divinum

Divinum, Et cum cætera crimina ex lege Jul vindicanda moribus nostris nullam temporis præscriptionem admittant, multo minus huius delicti ut omnium atrocissimi accusatio ullius temporis spacio excludetur.

C A P. IX.

De Concubinato.

Concubinatum (qui definiri potest, licita maris & feminae coniunctio individuum vitæ societatem continens, absque ritu & jure nuptiarum. *Coll. Iur. Arg. th. 2. h. t.*) toleravit quidem Justinianus, sed improbando, ut non absurdè Schottanus *in Exam. Iurid. de Concub.* Hinc eum temporibus anterioribus inter Romanos paganismo addictos vagæ libidini sine dubio propiorem, tot limitibus circumscripsit, ut ad justum coniugium proximè accesserit; pro justo certè Juris Gentium matrimonio civium Roman haberi potuerit, nulla re nisi solennitatibus juris civilis destituto, à cuius justis nuptiis differebat quidem in nonnullis, nonnulla autem communia cum eo habebat. Primò enim consistebat inter eos tantum inter quos ratione sanguinis & affinitatis etiam iustæ nuptiæ constare poterant. *l. 10. & 11. & passim Cod. de natural. lib.* licet honestam & ingenuam feminam in concubinato habere sine testatione nemo potuerit, sed libertas tantum, aut ingenuas vilioris conditionis. *l. 3. ff. de concub.* II. Quemadmodum qui uxorem habet, ducere non potest aliam; ita etiam qui concubinam habuit, aliam superinducere non poterat; nisi prior aut morte aut quodam quasi repudio separata esset. *Nov. 18. c. 5.* III. In concubinato æquè ac in iusto matrimonio abesse debuit omnis libido & adesse castitas. *d. nov. 18. c. 5. & Novell. 89. c. 12.* IV. Committitur in concubina adulterium ab extraneo. *l. 13 §. 1. ff. ad leg. Iul. de adul.* V. Non dissolvitur concubinatus furore. *l. 2. ff. de concub.* VI. Liberi inde proinati non sunt spurii, sed naturales vocantur, paremque cum legitimis debent pietatem parentibus. *Auth. licet. l. 8. Cod. de natural. lib.* quæ omnia latius deducta vide *Coll. Iur. Arg. th. 2. de*

concup. Unde apparet Jus Justinianæum non accusandum esse, quasi vagam quandam libidinem per concubinatum permiserit, ut rectè monet *Coll. iur. Arg. dict. loco.* Ideo nec Canones, rigidi alias Juris Justinianæi censores, abrogant Concubinatum, sed permissum olim Christianis patrum & conciliorum auctoritate docent *distinct. 34 c. 4 & 5.*

Dum tamen in Justiniano ob permissum concubinatum aut defendendo aut excusando laboramus, non ideo negamus rectius fieri si inter Christianos planè non toleratur; unde etiam in nostrâ Republ. nequaquam permissus est, arbitrariâ in reos pœnâ constitutâ *dict. Const. artic. 4. sub rubr. Zur Dnehe sitzen. § 1. quem integrum hic apponimus.* Wir verordnen setzen und welen / daß niemands unserer Burger / Inwohner oder Hinderassen / Geystlich oder Weltlich in unserer Stadt Straßburg und dero Burqbann zur Dnehe sitze / sondern so jemand also befunden wird / der oder die sollen in haßte eingezogen / und nach eines Raths Erkantnuß gestrafft werden. Fuisse quidem olim in patria non nostra non planè illicitum concubinatum, conijcere licet ex antiqua constitutione, quæ anno Chr. 1437. & ita ante ducentos viginti quatuor annos lata, ac in Ecclesia Cathedrali pro concione recitari, ut commodius innotesceret, iussu est, ut habetur in nostro *Msc. fol. 107. & seq. sub rub.* Von denen die zur Dnehe sitzen. In hac habentur omnes qui tum concubinas aluerunt, aut ducere illas, si alias coniuges non habuerint, aut se ab illis separare; bonis quæ ad se invicem attulerunt, aut durante illa coniunctione compararunt, certâ lege dividendis, sumptusque ad liberorum, si fortè inde nati sint, alimenta erogandi duas tertias viro; reliquâ tertiâ muliere præbente, *ut dict. Const. prolixius continetur.* Licet de successione illorum liberorum tum ex testamento tum ab intestato, nihil ibi videam dispositum; circa quam quid jure Justinianæo observatum fuerit, peti potest ex *d. r. Cod. de nat. lib. Nov. 18. item Novell. 89 c. 12. & seq. Coll. iur. Ag. th. 8. de Concup.*

CAP. ULTIMUM.

Plura quidem juriscapita collegeram, in quibus notabiles aliquot differentię inter utrumque jus occurrunt. Sed antequam omnibus ultima lima adderetur, certis ex causis ad præsumendum festinandum erat. Quare hoc loco finem labori huic imponam, si prius sequentes, quę sub manu erant, differentias velut coronidem adjunxero. Jure civ. Justinianæo donare quidem sibi invicem conjuges non poterant regulariter. l. 2. *et 1000 tit. ff. de donat. inter vir. et ux.* legata autem conjugui relinquere, l. 109. de legat. 1. l. 33. §. 2. de legat. 3. l. 19. C. eod. ut & heredem instituere conjugem non erat prohibitum l. 5. Cod. de hered. instit. Jure nostro nullum ex his fieri potest efficaciter, ut patet ex antiquo articulo. *Kein ehgemächte soll dem andern etwas zum ehgenthum geben. in ordn. ut de Contract. pag. 20. quem integrum, quoniam brevis est, juxta antiquum idioma exhibere placuit.* Dehein vnser burger mag geben sinem wibe / noch dehein wip vnser burgerin mag geben threm ehlichen manne / deheiner hand gut / daß die eygenshafte sin sy / nuwent zu eime wibeme. Weders nnder ihnen dem anderen gebe sin gut zu elgen / die giffe soll nit gelten in wrellchen wez sü geschehe. Decujus sensu cum variaretur, nonnullis de donatione inter vivos (ut verba suadere videntur) præcisè intelligentibus, aliis etiam ad heredis institutionem extendentibus; ab ipso Magistratu tandem ita declaratus est hic articulus, ut per eum non tantum donare sibi invicem conjuges constante matrimonio non possint; sed etiam testamento heredes se invicem instituere aut legata proprietatis (de usufructu enim relicto secus est) relinquere nequeant, sine speciali veniā impetratā. Licet autem heres institui apud nos non possit conjux testamento durante matrimonio factō; nihilominus ante nuptias instrumentis dotalibus de mutuā successionē pacisci possunt. Notabili rursus inter utrumque jus differentiā. Jure namque Justinianæo transferri pactis hereditas regulariter non potuit. l. 19. C. de pact.

Eodem jure Justin. Reus exceptiones suas non omnes si-

mul in medium afferre tenetur; sed una omiſſa vel non proba-
 ra, aliâ poſtea uti non prohibetur, ut ex l. 5. & 8. ff. de except. l. 43. de
 R. l. poſt VVeſemb. parat. n. 10. h. t. & Zoefium in comm. ad Dig. h. t. n. 30.
 & 33. C. l. A. th. u. h. t. docet.

Secus eſt apud nos. Conſtitutum eſt enim ut Reus om-
 nes ſuas exceptiones, tam dilatorias, quam peremptorias, ſi-
 mul & non diviſim interponat. Reform: Rathſordnung Tit:
 von Termin der einreden oder aufzügen, §. 2. fol. m. 21. f. 2. ibi. unde
 ſoll antworter auff dieſen erſten Termin alle ſeine aufzügliche ein-
 reden / ſo er hat / oder zu haben vermaynt / ſamentlich oder mit ein-
 ander / und ſo er mit documenten oder Perſohnen dieſelbige zube-
 weiſen haben wird / Articullir übergeben / und nicht nach der erör-
 terung oder entſcheid einer / allererſt die ander von newem und di-
 viſim fürwenden. & tit. vom erſten Termin der endlichen aufzü-
 gen, §. 2. fol. 22 f. 2. ibi. ſo ſoll Antwortter auff dieſen Rechtstag oder
 Termin all ſein peremptorial, Eliſſir, und defenſional articul,
 ſampſtlich und zumahl produciren / und nicht ein endlichen aufzug
 nach dem andern diviſim fürbringen. Ratio huius rei hæc red-
 ditur, ne ſcil lites temerè protrahantur. dicto §. 2. princ. damit
 auch gefährliche verlängerung deſſ proceſſ, deſto beſer fürformeu
 werden möge, & §. 2 tituli ſuperius allegati von Termin der ein-
 reden in fine, ibi: als dadurch der haupthandel lange zeit verhin-
 dert und aufgezo-gen wird. Et hæc hætenus regulariter limita-
 tur enim hæc doctrina in caſu quo aut nova exceptio poſt ter-
 minum lapſum oritur, aut exceptionis antea quidem jam com-
 petentis, ſed ignoratæ, poſt id tempus demùm certior factus eſt
 reus, ſi id iuramento præſtito affirmare poteſt, dict. tit. vom er-
 ſten Termin der endlichen aufzügen, §. 2 ibi: es were dann ſach daß
 ſich hernacher etwas von newem zutragen / oder erſt einer ein-
 reden deren er vor ſein wiſſens gehabt in erfahrung kommen were
 und daſſelbig mit einem ſelblichen eyde behalten möchte / alſt ann
 unde anders nicht / ſoll ihm zugelaffen werden / ſeine weitere oder ne-
 we peremptorial Articul zu übergeben. Idem obtinet hodie iu-
 re Imperii novissimo, Cammergericht's Ordnung parte 3. Tit.
 24. §. lin. ibi. ſampſtlich miteinander in ſchriften, &c.

Sed

Sed sistimus calamum hâc in materia, in quâ accuratius quid præstare illorum est qui altiori sunt ingenio ac eruditione præditi, nos, quantum exercitio Academico sufficere videbatur, pro ingenii modulo delineavimus. Interea

*Tu Proceres Urbemq, DEVS munimine sancto
Cinge, nec antiquo careant fac robore leges,
Vnde salus populi, divinaque gloria, donec
Ardua Cælorum volvetur machina, crescat.*

*Sacro sancta Trinitati sit laus, honor Et gloria
in sempiterna sæcula Amen.*

*Ne sequens pagella vacaret, libuit exercitii
disputatorij gratia adicere quadam*

COROLLARIA

1.

*Non rectè definita videtur §. 8. Inst. de pub.
jud. Vis publica, quæ armis fit; Pri-
vata, quæ sine armis.*

2.

*Qua pater in studia filij impendit, ea hic re-
gulariter in portionem ab intestato debi-
tam*

32.
*tam imputare debet, nisi probet coheredi-
bus, parentem id non credendi animo, sed
ex pietate fecisse. Sic contra plurimos in-
terpretum, qui onus probandi coheredi-
bus incumbere docent, legem 50. ff. famil.
erciscund. explicamus.*

3.
*Frater sororem ducens non committit in-
cestum Iure Gent.*

4.
*Superusurium accipere non semper est inju-
stum.*

5.
Usucapio & praescriptio effectus sunt idem.

6.
*Non omnia quae Deus facit, aut fieri per-
mittit, sunt inter res hominibus licitas.*

7.
*Doctrina quorundam Mathematicorum
de quiete Solis & motu Terræ non est
contra S. Scripturam ac proinde non da-
mnabilis.*

